



Universitätsbibliothek Paderborn

**ANATOMIAE LVTHERI || PARS PRIMA.|| Das ist/|| Auß den
Siben boesen Geistern des vil See=||len verlustigen vnd
also tewren Manns D.|| Martini Lutheri, die Drey erste
Geister.|| I. Der Fleischlich ...**

Das ist/|| Auß den Siben bösen Geistern des vil See-||len verlustigen vnd
also tewren Manns D.|| Martini Lutheri, die Drey erste Geister.|| I. Der
Fleischlich geist.|| II. Der Lester geist.|| III. Der Lotter geist.|| ...

Pistorius, Johann

1595

VD16 L 3592

Capyt Primvm. Vom Philippo Melanchthone.

urn:nbn:de:hbz:466:1-35656

AZOARA VII.

Des Andern bösen/ vnd nemblich des
Lesterlichen holhipperischen Geists.

Darinn angemeldt wirdt/ Daß Lu-
ther/ so wol er Keyser/ König/ Fürsten/
Herrn vnd vom Adel/ des gleichen Catholi-
sche vnd Galuinische zum höchsten geschen-
det/ eben so wol auch die seinige/ wañ sie im
wenigsten wider ihn etwas glaubt haben/
Vnd das zu verwundern ist/ Auch sich selbst
grewlich gescholten hab. Mit kurzer an-
zeng/ wamit er sein Lestergeist ver-
deckt vnd entschuldigen
wöllen.

CAPVT PRIMVM
AZOARAE VII.

Von Philippo Melanchthone.

Wie hoch Luther Philippum gehalten/ er-
scheinet vornemblich in Epistolis Latinis/ da er
Philippum Anno 21. geist/ Kunst vnd Gaben
Gottes halben ihm selbst weit vorzeucht/ (fol. 331.
& 335. & 355. & 357. b. & 360.) Auch meynt/
Wann Philippus sterben solt/ So werd das (Lu-
therisch) Wort Gottes vergehn das ihme der
Herr geben hab zu der Seelen heyl/ (fol. 361. b.) Dessen ersten Hy-
potyposes oder Locos communes er auch so hoch helft/ daß nach
seinem

seinem Iudicio dieselbig solten billich in die zal der Biblischen Canonischen Bücher genommen vnd gesetzt werden/ (Tom. 3. Lat. de seruo arbitrio fol. 160. b. In praefatione Anno 25.) vnd sagt/ (Tom. 4. Germ. fol. 200. Vom Anbetten des Sacraments Anno 27.) Das in selbigem Buch aller Grund vnd Hauptstück seines Glaubens in ein Summa gefasst seien mit grund der Schrift bewisen/ Wie gleichfals Philippi Scartrecken vber die Epistel zum Römern Anno 22. vnd dazu ein Buch/ dessen Lehr er hernach selbst verworffen/ vber S. Hieronymi/ S. Thomaz/ Origenis/ vnd aller heiligen Väter anlegung/ so darüber jemals geschriben haben/ weit vberhebt/ vnd niemand vor dem Philippo gelten lasset/ Auch schier vber Paulum gesprochen/ doch letztlich vnder S. Paulo vnd am nechsten an ihn setzt/ Sag außdrücklich/ Sufficit te (Philippe) proximum Paulo esse vñ vermeldet zuuor/ er wiß auß was geist er Philippum so hoch preist/ (In praefatione istius libri.)

Noch dennocht/ wie hoch er ihn rühmet/ vnd wie stark dem Luthero an ihm gelegen gewesen/ daß auch gewißlich dem Luthero seiner vnschicklichkeit halben/ wañ ihro Philippus nicht mit den Sprachen vnd Grammatick/ auch zimlich selbigem Kopff vnd grossem fleiß zu hülff kommen/ vnmöglich gewesen were/ sein narrechte Phantasey also außzustreichen vnd mit einem schein zu verkauffen/ Inmassen sich in andern spiritu außführen vnd anzeigen wil/ Wie dise beide Eyselen ihr Lehr nicht auß dem Himmel/ Sondern auß ihren eignen Schrifften/ auch offte wider die Schrift mit stetigem wancken vnd nach lauem grublen/ bis sie sich endtlich mit gewalt auß lauter Trug zu einer Opinion gewendet/ stuck vnd zweifelweiss zusammen getragen haben/ So kan doch der Luthero ihm nichts für gut haben/ vnd muß Philippus/ des Lutheri (anima) Seel/ wie ihn Luthero allweg nennet/ nicht er ein wenig dem Luthero gegenspiel haltet/ oder nicht seinem Kopff folgt/ mit seiner Philosophia/ Rhetorick vnd forchtsamkeit geistlich sein/ Sonderlich da der gut Philippus (Anno 30. Tom. 5. fol. 40.) dem Luthero zugeschriben vnd bekent hat/ Daß er Ihm als dem Haupt in diser Sachen vmb seines Ansehens willen genugsam hab. Wie auch hernach je lenger je mehr/ vnd sonderlich Anno 44. da Philippus zu den Zwinglianern sich genähert/ vnd seine vnterschiedliche erleuchtung mit dem neuen Zwinglischen geist zu verhoffen vnd

NB.

Warauff Philippus sein glauben fundirt.

nderfangen/der Luther hefftig vbern Philippum erzürnet/ vnd mit
 rauen worten angefahren/ Auch öffentlich wider ihn schreiben vnd
 auß der Schul zu Wittenberg verjagen wollen/ Welches aber wider-
 umb zimlich verloschen/ vnd doch nicht dermassen verurtheilt werden
 könden/ daß Luther nicht allweg dem Philippo biß in Tod misstrawet
 hette/ vnd des Zwinglischen Irrthums halben seiner gefürchtet/ Daß
 also das gut köpsten sich jämerlich hüdlen vnd zerfützen lassen/ vnd in
 grossen trang vnder dem Luther/ wege befahrender verstossung/ leben
 müssen/ Wie solchs in actis Concordia/ so beneben der Augspurgi-
 schen Historia zu Leipzig Anno 85. von einem Gottfrido in Druck
 gefertiget kommen folio 374. vnd etlich bletter weiters zu sehen ist/
 vnd Philippus selbst (wie stattlich zu beweisen) nach Luthers Tod
 sich gleich als erfrewet/ vnd klagt/ (quod sub Luthero duram ser-
 u itutem vixerit) daß er sich von dem Luther hab müssen hart leiden/
 vnd tyrannisch trucken lassen. Daß er ihn aber nit grewlicher öffent-
 lich zerscholten/ daran ist kein ander vrsach/ als des Philippi dienst-
 barkeit/ vnd daß er ihm in allem nachgeben/ Luther auch des Philippi
 Grammatick vnd Rhetorick sehr bedörfft/ vnd derhalb sein bücher/
 (wie zuuor angemelbt worden) Als sonderliche Locos communes/
 oder vil mehr die Hypotyposes/ wie er die erste Edition intitultet/
 desgleiche sein Geschmeiß vber die Epistel zun Römern/ der Schrift
 gleich vnd für ein Schatz der allen grund des Lutherischen Glaubens
 in sich begreiff/ vnd für ein Canonem vnd Fundament buch gehal-
 ten haben wil/ Ohnangesehn darin die ein Gestalt im Nachtmahl für
 ein frey zugelassen/ vnd mittel ding angebe/ (in titulo de abrog. Le-
 gis) Item gar kein Sacramēt/ Sondern nur Zeichen/ vñ dazu nichts
 als Denck vnd Dündzeichen/ vff gut Caluinisch gelehrt/ Desgleichen
 die Stoische hernach in der Confession verworffene necessitat auch
 in weltlichen guten vnd bösen sachen bestetigt vnd alle contingentia
 verdampft wirdt. Aber man muß dahin verstein/ Daß es zu selbiger
 zeit ein herrlich buch vnd ein Grundsteul der Lutherischen vanitet ge-
 wesen/ Aber hernach/ wie der Glaub geendert worden/ kein Cano-
 nisch buch vnd kein Fundament mehr bliben/ Auch Luther Macht hab/
 Canonische Bücher nach seinem Narren Kopff zu machen/ vnd wi-
 derumb zu cassiren. Ist aber das nicht ein herrlich Fundament/ vnd
 Canonische Schrift? vnd ist Luther nit ein frecher verdampfter wan-
 ckelmütiger Dub? Vnd ist nicht auch zu verwundern/ daß einiger ver-

P R O.

C O N T R A.

Luther macht
 Canonische Bü-
 cher/ vñ schafft
 sie widerumb
 ab.

D wankelmü-
 tigkeit.

cc

nünff-

nünfftiger Mensch dem Luther das wenigst wort mehr glauben selb
Doch gehört dises zu den andern Spiritibus/ vnd hab Ichs allein
regen wollen/weil ohne des Philippi gedacht/ vnd welcher gestalt
Luther gerühmet oder gescholten hab/ angemeldet worden/ dabey
auch Philippi halber bewenden laß.

CAPVT SECVNDVM
AZOARAE VII.

Von dem Islebo/ Ioanne Agricola/ vnd etlichen
andern Lutherischen Predicanten.

PRO.

CONTRA.

PRO.

CONTRA.

Isebius war erstlich sein guter Freund/vn treu-
licher Mañ Anno 21. (fol. 325. in Epist. Latin.) Vor
so bald er von dem Geseß nicht anderst lehrt/ dann
Luther selbst erstlich gelehrt/ vnd auß seinen Fundam-
enten (Tom. 3. Im vnderricht wie sich die Christen
Mosem schicken solln/ Anz. 25. fol. 165.) notwendiglich folgt
er (Tom. 7. wider die Antinomier fol. 287. Anno 39.) von sich bedar-
da ist Feur im Däch/ vnd muß (Tom. 7. fol. 300. Anno 37. Im Be-
richt von M. Isleben) Isleben ein eigener toller dürstiger Nar-
ren Kopff sein/ ein stolz Narrichen/ toll Narrichen/ zornig
Teuffelin/ Narr Brickel/ den der Teuffel reitet/ Meuch-
der Meiskopff/ Meuchler/ Leckertlin/ Lügner/ darinn kein
guter Tropff ist/ Ein toller Narr der sich selbst in die Dä-
bewet/ ein Zweyzüngiger Judas vnd Verräther/ kein from-
mer Mann/ verborgen Maul/ vngelert/ grob/ Judas Küß-
Narrichen Brickel/ der den H. geist verdampft/ sicherer nicht
der den Luther beschissen/ Lugenmaul zc. vnd dis alles in
einigen blettern. Wie er auch in Dischreden ein bundter
Juncker Haß/ Fraw Ehrgeiß/ Brickel/ Narr/ grober
Teuffelisch Heuchler/ hoffertig vermessener Narr/ vn-
sehembter Feind der Kirchen/ Meuchelgeist/ Heuchler/ böß-
hafftiger Bub sein muß zc. Da er doch selbst an allen angezeig-
orten nicht abrede/ Daß er ihn vorhin hoch beliebt/ vnd daß auch
Anno